




# ILLOQARFIUP ILAANUT PILERSAARUT 3A8-2

**Iiminaq**



**NUUP KOMMUNEA**  
**TEKNIKKIMUT AVATANGIISINULLU INGERLATSIVIK**  
September 2005

## Imarisai

<b>Imarisai .....</b>	<b>2</b>
<b>Ilitsersuut .....</b>	<b>3</b>
<b>Nassuaat .....</b>	<b>4</b>
Illoqarfiup ilaanut pilersaarutip tunuliaquataa .....	4
Siusinnerusukkut illoqarfiup ilaanut pilersaarut .....	4
Illoqarfiup ilaanut pilersarusiorfiusoq .....	4
Nunataa nunallu pissusaa .....	4
Illoqarfiup ilaanut pilersaarutip imarisai .....	4
Pilersarusiornermut allamut attuumassuteqarneq .....	7
Inatsisitigut atuuffii .....	3
Oqallisigineqarneranut piffissarititaasoq akuerineqarneralu .....	2
<b>Aalajangersakkat .....</b>	<b>9</b>
§1    Illoqarfiup ilaanut pilersaarutip siunertaa .....	9
§2    Illoqarfiup ilaanut pilersarusiorfiusoq agguataarneralu .....	9
§3    Atorneqarnissaa .....	9
§4    Aqquserngit aqqusineeqqallu .....	9
§5    Sanaartukkap annertussusia inissismaffialu .....	10
§6    Sanaartukkat silatimikkut isikkui .....	11
§7    Nunaminertat sanaartorfigineqanngitsut .....	11
§8    Teknikkikat atortulersuutit .....	11
<b>Akuersinermi atsiorneq .....</b>	<b>12</b>
12	

## ILANNGUSSAT

Ilanngussaq 1: Illoqarfiup ilaanut pilersaarutip nunataata assinga

Ilanngussaq 2: Titartakkatut ilanngussaq

## Ilitsersuut

Illoqarfiup ilaanut pilersaarummi nunaminertat, illut nutaat, pisuinnaat aqqutaat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq ilusil-ersorneqassanersut aalajangersarneqartarput.

Illoqarfiup ilaanut pilersaarut nassuaatitaqarpoq aammalu illoqarfiup ilaanut pilersaarummut aalaja-ngersagartaqarluni.

Nassuaatini illoqarfiup ilaanut pilersaarutip siunertaa anguniagaalu naatsumik oqaluttuarineqarput, il-  
loqarfiup ilaanut pilersarusiorfiusumi eqqaanilu pioreersut aammalu illoqarfiup ilaanut pilersaarut pi-  
lersaarutinut allanut qanoq attuumassuteqarnersoq.

Illoqarfiup ilaanut pilersarusiorfiusumi aalajangersakkat atugassaatitaapput. Assit oqaasertaallu ki-  
pungasunik allatat illoqarfiup ilaanut pilersaarummi aalajangersakkat nassuaasersornissaannik takus-  
sutissiarinissaannillu siunertaqarput.

Nunaminertanik atuisarneq pillugu Inatsisartut peqqussutaat nr. 6, 19. december 1986-imeersoq, Inat-  
sisartut peqqussutaanni nr. 1, 18. juni 1987-imeersukkut allanngortinnejarniq, nunaminertanik atui-  
sarneq pilersarusiornerlu pilligit aamma Nalunaarut nr. 23, 18. november 1992-imeersoq malillu-  
git kommunalbestyrelse illoqarfiup ilaanut pilersarusiorstussaatitaavoq:

- *Kommunip pilersarusiornerata piviusunngortinnejarnissaa qulakkeerniassallugu pisariaqartin- neqarpat.*
- *Angisuumik illuliassaq, atortulersuutit imaluunniit nunaminertamik akuersissuteqarnerit aallar- tinnejartinnagit.*

Illoqarfiup ilaanut pilersarusiorstussaatitaanerup siunertaraa pilersarusiornermi annertunerusumik ataqtigiiisaarisoqarnissaa innuttaasullu peqataatinnejarnissaat. Taamaattumik illoqarfiup ilaanut pi-  
lersaarut sivikinnerpaamik sapaatit akunnerini arfinilinni tamanut saqqummiunnejassaaq. Tamanna  
pereerpat Kommunalbestyrelse-p naammagittaalliutit imaluunniit oqaaseqaatit allannguutissatullu  
siunnersuutit naliliiffigissavai, pilersaarut inaarutaasumik akuersissutigineqartinnagu.

Illoqarfiup ilaanut pilersaarutip inatsisitigut atuuffii illoqarfiup ilaanut pilersaarummi erseqqissumik allaaserineqarput.


## Nassuaat

### **Illoqarfiup ilaanut pilersaarutip tunuliaqutaa**

Kommunalbestyrelsip kissaatigaa illoqarfiup ilaanut pilersaarut una atorlugu illoqarfiup ilaanut pilersaarummi atuuttumi immikkut ittumik akuersissutit ilanngunneqassasut, taamaalilluni immikkoortoq sanaartorfiusoq ajornannginnerusumik paasiuminartunngorlugu aammalu immikkoortup sanaartorfiusup malittarisassai paasiuminarnerulersissallugit.

Kommunimut Pilersaarutissatut Siunnersuut 2004-2014 aqqutigalugu sanaartorfioresup kujataani sanaartorfissat nutaat 10-t ammaassiffigineqarput, takussutissami 1-imi takutin-neqartutut. Taamaattoqassappat tamanna pitinnagu immikkoortumut illoqarfiup ilaanut pilersaarut nutaaq kingornatigut akuersissutigineqaqqaassaaq.

Taamaattumik illoqarfiup ilaanut pilersaarummi uani Iiminami sanaartorfioresup kujataani sanaartortoqarsinnaanera eqaarsaatigalugu aqqusiinissaq sillimaffigineqarpoq.



Takuss. 1 Kommunimut pilersaarut 2004-2014 siunissami Iiminap kujataani sanaartortoqarsinnaaneranik ammaassivoq.

### **Siusinnerusukkut illoqarfiup ilaanut pilersaarut**

1998-imi Illoqarfiup ilaanut pilersaarut 3A8-1, Iiminaq, akuersissutigineqarpoq. Illoqarfiup ilaanut pilersaarut Nuummi ilaqtariinnut ataatsinut illut piumaneqaleriartuinnarnerat pissutigalugu suliarineqarpoq.

Illoqarfiup ilaanut pilersaarummut 3A8-2, Iiminaq, siunnersuut nutaaq immikkoortumut tassunga tunngasuuvooq, arlalinnilli aalajangersagartaa atuuttoq iluarsartuunneqarsimal-luni.

### **Illoqarfiup ilaanut pilersaarusiorfiusoq**


#### **Nunataa nunallu pissusaa**

Iiminaq qatsissumi inissisimavoq Nuup Kangerluanut Sermitsiamullu isikkiveqarluni. Iiminaq kimmuit kussinermik killeqarpoq, avannamut sissaq kangerlummukaartoq, kangimut iliveqarfik kiisalu sisorarfik kujam-mullu Iiminaq Annersuarmut qaqkasunnamik killeqarluni.

### **Illoqarfiup ilaanut pilersaarutip imaa**

#### **Aalajangersakkani allannguutit**

Illoqarfiup ilaanut pilersaarutip sanaartukkanut aalajangersagartai imatut allanngortinneqarput nunap pissusaanut illut qaliaasa sinaat  $7\frac{1}{2}$  miiterit angullugit qatsissuseqarsinnaati-lerlugit.



Takuss. 2 Illoqarfiup ilaanut pilersaarummi 3A8-1, Iiminaq, Illup qaliata killissaanut aalajangersakkat tunngavia.

Tamanna pissuteqarluni sanaartukkap tunngavia ta killinganut atallugu aalajangersakkat maannamut atorneqartut aqunneqarnerisa ajornakusoernerat paasineqarmat. Siunissami illut ataasiakkaat qanoq ilusilersorneqarsinnaissaat namminersuutigineqarsinnaalis-saaq, qaliata killinganut annertunerpaaffissaq malinneqartillugu.

Sanaartorfissani B2, B10, B16 aamma B22-mi suli sanaartorfigineqanngitsuni qaliat kilissaannut aalajangersakkat sanaartorfissanut immikkoortkuutaarlugit aalajangersarne-qassapput.

Kommunimut pilersaarutip 2004-2014 akuersissutigineqarneratigut toqqavik tunngavialu allangortinneqarput, toqqavia tassaalerluni illup naqqa qaliata nunamut avissaaqquataa. Tassa imaappoq, toqqaviata nunamiit portussusia uuttortarneqartassaaq, initaata natiata naammassisimasup nunamiit portussusia naatsorsuutigalugu.

Nassuaatit taakkua illoqarfiup ilaanut pilersaarummi uani aalajangersaanermut tunngaviupput.


Qaliata sivingassusissaanik aalajangersagaq 25 gradiniit 25-miit 36 gradiusinnaanngorlugu allangortinneqarpoq, immikkoortumi illut immikkut sannallit qaliaat 36 gradit angullugit

sivinganeqartinnissaat kissaatigineqartarsi-mamat.

Illoqarfiup ilaanut pilersaarutip qaliata inigineqarsinnaanera ammaappa. Tamanna ima isumaqarpoq, illut 36 gradinik sivingassusilinnik qaliallit illoqarfiup ilaanut pilersaarutip akuerineqarneratigut qaliaat inigineqarsinnaanngortut.

Ilaqtariinnut ataatsinut illut pioreersut ilaqtariinnut marlunnut illunngorlugit allanngortinneqarsinnaapput taamatullu sanaartorfissat atorneqanngitsut sisamat ilaqtariinnut ataatsinut arlalinnullu atugassiissutigineqarsinnaalutik.

Illoqarfiup ilaanut pilersaarummut 3A8-1-imut, Iiminaq, sanilliullugu illut amerlasuut ilaatigut sanaartorfissat avataanniitinneqarput. Taamaattumik illoqarfiup ilaanut pilersaa-



Takuss. 3 Illoqarfiup ilaanut pilersaarusiorfimi 3A8-2-mi, Iiminaq, Illup qaliata killissaanut aalajangersakkap tunngavia

rummi matumani sanaartorfissat tamakkua ataasiakkaat iluarsiiffigineqarput sanaartukanut naleqquttunngorlugit.

Immikkoortoq B-mi allannguutaasut annertunerit:

B-3477-imut sanaartorfik kimmuit 10 meteri-nik illuarneqarpoq.

B-3297-imut sanaartorfik avannamut 2.0 meteri-nik kangimullu 0,7-inik illuarneqarpoq.

B-3245-mut sanaartorfik kujammut 2.4 mete-  
rinik kimmullu 1.0-imik illuarneqarpoq.

B-3243-mut sanaartorfik avannamut 6,2 mete-  
rinik kangimullu 1,7 meterinik illuarneqar-  
poq.

B-3549-mut sanaartorfik kujammut 1,4 mete-  
rinik kimmullu 1,4 meterinik illuarneqarpoq.

B-3255-imut sanaartorfik 90 gradinik nuun-  
neqarpoq.

B-3281-imut aamma B-3548-mut sanaartorfiit  
naannerulersinneqarput silinnerulersinneqar-  
lutillu.

B-3260-imut aamma B-3261-imut  
sanaartorfiit immikkoortoq C-miit  
immikkoortoq B-mut nuunneqarput.

Nunaminertami sanaartorfik annerpaaffissa-  
migut 13 %-imik annertusineqarpoq tassunga  
ilanngunneqarlutik quit biilinullu inissiisarfiit.

Immikkoortoq B-mi sanaartorfissat 20 m<sup>2</sup>-  
imik annertusineqarput 320 m<sup>2</sup>-inngorlugit.

Sanaartorfissat nutaanik naatsorsorneqarnerat  
Nuup Kommuneata Teknikkimut Avatangii-  
sinullu ingerlatsivianit piniarneqarsinnaap-  
put.

## **Atorneqarnissaa**

Immikkoortoq sanaartukkanut killeqarfittut  
naatsorsuussaavoq kangerlummut, Akianut  
Sermitsiamullu illut akornisigut isikkivilik.  
Illoqarfiup qeqqata qatsinnerpaaffiani illut  
uigulukuttut sanaartukkat katersuuffiattut  
inisisimapput.

Ullumikkut ilaqtariinnut ataatsinut illulias-  
sanut sisamanut sanaartorfissani inissaqarpoq,  
Ilanngussaq 1-imik takutinneqartut. Inaarutaa-  
sumik illoqarfiup ilaanut pilersaarutip akuer-  
sissutigineqarneranut atatillugu sanaartorfissat  
atorneqarsinnaanerat nalunaarutigineqassaaq.

## Pilerausiornermut allamut attuumassuteqarneq

### Kommunimut pilersaarut

Illoqarfiup ilaanut 3A8-2-mut, Iiminaq, siunersuut Kommunimut Pilersaarut Nuuk 1993-2005-imut attuumassuteqarpoq, kommunimut pilersaarummut tapiliussaq ilanngullugu Tunngaviusumik Kommunimut Pilersaarut Nuuk 2003-mut ataatsimoortinneqarlutik, Immikkoortumut killiliussaq 3A 8, Iiminaq, inissianut eqimanngitsunut/pukitsunut naatsorsuussaavoq.

Immikkoortoq Kangillinnguani inissiaqarfimmit aqquteqartinnejassaaq.

### Teknikkikkut atortulersuutit

#### Kiassarneq:

Immikkoortoq innaallagissamik kiassarneqas-saaq siunertaavorlu sanaartugassat innaallagissamik kiassaateqartinnissaat.

#### Imeq:

Immikkoortoq pisortat imeqarfiannit imiler-sorneqassaaq.

#### Imikoq:

Immikkoortoq kommunip kuuffissuaqarfiinut atassuserneqassaaq.

#### Eqqaavilerineq:

Immikkoortoq Nuup Kommuneata eqqaavile-rinermut malittarisassai sukkulluunniit atuut-tut malillugit isumagineqassaaq.

### Inatsisitigut atugassarititaasut

Illoqarfiup ilaanut pilersaarummi immikkoortumi siunissami ineriarneq malittarisassaliorneqarpoq. Taamaattumik allannguisoartillugu taamaallaat pilersaarummi aalajangersakkat atorneqalertarput. Malittarisassaliun-neqarsimasut ileqqisut atorneqarsinnaapput – aamma allamik piginnittoqalersimappat.

### Inatsisitigut inaarutaasumik atugassariti-taasut

Kommunalbestyrelsip illoqarfiup ilaanut pilersaarut inaarutaasumik akuersissutigereer-pagu tamanullu saqqummiunneqareerpat, nunaminertat, illut sanaartukkallu illoqarfiup ilaanut pilersaarummut siunnersuummiittut taamaallaat atorneqarsinnaapput imaluunniit sanaartorneqarsinnaapput illoqarfiup ilaanut pilersaarummut aalajangersakkat naapertorludit.

Ilaatigut annikitsunik unioqqutitsisoqartillugu immikkut ittumik akuersissuteqartoqarsinnaavoq. Annertunerusumik unioqqutitsinerit nutaamik illoqarfiup ilaanut pilersarusiorissaq kingunerissavaat.

Illoqarfiup ilaanut pilersaarutip kinguneris-sangilaa nunaminertat, illut sanaartukkallu pilersaarutigineqartutut pilersaarummi ilaa-tinneqartut pilersinneqarnissaat.

Tamanailaatigut ima isumaqarpoq, maanna-mut inertequtaanngitsumik nunaminertanik, illunik sanaartukkanillu atuineq ingerlaannar-sinnaasoq, akerlianilli atuineq allanngortinne-qarpat imaluunniit nunaamik sanasoqassap-pat taakku illoqarfiup ilaanut pilersaarummut unioqqutitsissanngitsut.



Takuss. 4 Iiminaq Peter Thårup Høghip Aqqutaanit isigalugu.

## Oqallisigineqarfia akuersissutigine-qarneralu

Siunnersuut Illoqarfiup ilaanut pilersaarut 3A8-2 tamanut oqallisigisassangorlugu saq-qummiunneqareerpoq ulloq 31. marts 2005-imiit ulloq 12. maj 2005-imut.

Piffissami oqallisigineqarfiani akerliliissutit oqaaseqaatillu pingasut takkussimapput.

Siunnersuut Illoqarfiup ilaanut pilersaarut atatillugu oqaasertaanik annikitsunik allanngusioqarsimavoq.

Siunnersuut assinga Nunatta Atuagaateqarfianit, kommunip saaffiginnittarfianit, [www.nuuk.gl](http://www.nuuk.gl)-ikkut imaluunniit Teknikkimut Avatangiisinullu ingerlatsivimmut oqarasuaatikkut 34 74 30-kkut saaffiginninnikkut pi-niarneqarsinnaavoq.



Takuss. 5 Iiminap Sermitsiamut isikkivia.

## **Aalajangersakkat**

Inatsisartut nunaminertat atorneqarnissaat pilersaarusrorseqarnissaallu pillugit peqqus-sutaat nr. 6, 19. december 1986-imeersoq Inatsisartut peqqussutaannik nr. 1-imik 18. juni 1987-imi allanngortinneqartoq aamma nunaminertat atorneqarnissaat pilersaarusrorseqarnissaallu pillugit Nalunaarusiaq nr. 23, 18. november 1992-imeersoq kingusinnerusukkut allanngortinneqartoq malillugit matmuuna Kommunalbestyrelsip aalajangersasavai

### **§1 Iloqarfiup ilaanut pilersaarutip siunertaa**

1.1 Iloqarfiup ilaanut pilersaarutip siunertaraa:

- illoqarfiup ilaanut pilersaarummi atuuttumi immikkut akuersissutigineqarsimasut ilanngunneqarnissaat taamaalilluni immikkoortumi sanaartukkat pisariinnerusumik ajornannginnerusumillu malittarisssaqartinneqarlutik.
- immikkoortoq inissianik sanaartorfiussasoq; ilaqtariinnut ataatsinut illunik illunillu uigulukuttunik.
- immikkoortoq eqimanngitsunik/pukkitsunik sanaartorfiussasoq nunataanut sanaartorfiunngitsumut naleqqussakkanik.

### **§2 Iloqarfiup ilaanut pilersaarutip immikkoortua agguataarneralu**

- 2.1 Iloqarfiup ilaanut pilersaarusrorfiiup immikkoortua Ilanngussaq 1-imi takutinneqartutut killilerneqassasoq.
- 2.2 Immikkoortup nunaminertaa 7,76 ha.-iusoq.
- 2.3 Iloqarfiup ilaanut pilersaarusrorfiusoq Ilanngussaq 1-imi takutinneqartutut A, B aamma C-nut immikkoortortalersorlugu agguataarneqassasoq.

### **§3 Atorneqarnissaat**

- 3.1 Nunataq immikkoortoq A sanaartorfiussanngitsoq.
- 3.2 Nunataq immikkoortoq B ilanngussaq 1-imi takutinneqartutut ilaqtariinnut ataatsinut marlunnulu 23-nut atugas-sanngortinneqassasoq.
- 3.3 Nunataq immikkoortoq C ilanngussaq 1-imi takutinneqartutut sanaartorfissanut 7-inut atugassanngortinneqassasoq pingasunik inissiartalinnik.
- 3.4 Inissiamut atatillugu inuussutissarsiorfinnik annikinnerusunik ingerlatsisoqarsinnaasoq, inuussutissarsiutitut ingerlanniakkap eqqaani najugalinnut akornutaanngippat. Suliffeqarfifit immikkoortup inissiaqarfittut atorneqarneranut allannguisunik allagartaler-suissanngitsut, angallannerulersitsisanngitsut biilinullu uninngasarfinnik annertunerusunik assigaannilluunniit pisariaqartitsissanngitsut.
- 3.5 Ilanngussaq 1-imi takutinneqartutut inissianut aqqusernit biilinullu uninngasarfiit nunaminertamik inniminiiissunneqartassapput.
- 3.6 Iloqarfiup ilaanut pilersaarusrorfimmimmikkoortup teknikkikkut atortuler-suutaanut immikkoortitsisoqassaaq, sanaartukkat sanaartukkanut naleqqus-saqreranni.

### **§4 Aqqusineqarneq**

- 4.1 Iloqarfiup ilaanut pilersaarusrorfiusumut aqqusineq Ilanngussaq 1-imi takutinneqartutut pissaaq.
- 4.2 Sanaartukkat killingi aqqusernup qeq-qanut 8 meteriussapput.
- 4.3 Biilit uninngasarfiat uninngasarfittut atugassatut immikkoortinneqartunii-tinneqassapput imaluunniit inissianut ataasiakkaanut atasunik nammineq

- uninngasarfiutut pilersinneqassallutik.
- 4.4 Inissiamut ataatsimut minnerpaamik biilinut uninngasarfik ataaseq pilersinneqassaaq.
- 4.5 Aqqut sinerlugu aqqusineeraqartinniqassaaq. Aqqusineeraq Kangillinnguani aamma Sarfaarsuit Timaani inissiaqfinnut ataatsimut aqqusineeqqat ilagaat.
- §5 Sanaartukkap annertussusia inissimaffialu**
- 5.1 Nutaamik sanaartorneq aatsaat pisinnavaoq sanaartorfissatut immikkoortortani Ilanngussaq 1-imi takutinneqartut malillugit.
- 5.2 Illup qaliata sinaanut portussusissaq sanaartorfissani ataasiakkaani annerpaamik nunamit 7,5 meteriussaaq. Nunap portussusaa imatut paasineqassaaq, nunap portunerpaaffia illup toqavianiit.
- 5.3 Immikkoortumi nutaamik sanaartortoqartillugu illup qaliata sinaanut portussusissatut sanaartorfissanut aalajangersakkat uku malinnejqassapput:
- Sanaartorfissaq B2-mi 48,5 qutsissussatut aalajangiunneqarpoq
- Sanaartorfissaq B10-mi 40,5 qutsissussatut aalajangiunneqarpoq
- Sanaartorfissaq B16-immi 45,0 qutsissussatut aalajangiunneqarpoq
- Sanaartorfissaq B22-mi 50,0 qutsissussatut aalajangiunneqarpoq
- 5.4 Sanaartukkat ataatsimik quleriuussapput qaliaa naqqulluunniit ataa atorneqarsinnaallutik.
- 5.5 Nunap nammineq pissusaata ajornartinngippagu illu aniatinganilerlugu qailiarneqarsinnaavoq nunataa atuarlugu.
- 5.6 Nunataata aatsaat ajornartinngippagu toqqavia inigineqarsinnaasunngorlugu suliarineqarsinnaavoq.
- 5.7 Immikkoortortaq B-mi sanartorfissami sanaartugaq 180m<sup>2</sup>-init annertunerus-sanngilaq. Immikkoortortaq C-mi sanaartorfissami sananeqartoq illunut uiguleriaanut 356 m<sup>2</sup>-it sipporneqassatik. Nunaminertamut sanaartorfiusumut quit ilaatinneqarput aneerasaarillu ilaatinneqaratik.

<b>§6</b>	<b>Sanaartukkut silatimikkut isikkui</b>	<b>§8</b>	<b>Teknikkikkut atortulersuutit</b>
6.1	Illut tamarmik silatimikkut salliligaas-sapput imaluunniit qallutiissat pladit qallutiissallu sallilikkat qallutigine-qassallutik.	8.1	Illut tamarmik imermut kuuffissuar-mullu atassuserneqarsimassapput.
6.2	Illut qaliaasa qaavinut qallutiissat qernertut qallutigineqassapput.	8.2	Taseq kuuffikkoortinnejassangilaq, allamulli kuuttussanngortinneqassaaq eqqaani sanaartukkanut, aqquserner-nut, aqqusineeqqananut nunaminertan-lu sanaartorfigineqanngitsunut akornu-taanngitsumik.
6.3	Qaavata sinaa ilanngussaq 2-mi taku-tinneqartutut isikkoqassaaq.	8.3	Sanaartugaq nutaaq innaallagissamik aalajangersimasumik kiassarneqas-saaq.
6.4	Qaliaata sivingarnga $25^{\circ}$ -it aamma $36^{\circ}$ -it akornanniissaaq.	8.4	Parabolantennit illunut ikkunneqas-sanngillat. Immikkoortumi ataatsimik parabolantennejarnissaa akuerineqar-sinnaavoq immikkoortumi ineqartut tamarmik atorsinnaasaannik, antenne-forening aqqutigineqarsinnaavoq.
6.5	Sanaartukkut immikkoortumut qali-paasersuutissatut akuerineqartut malil-lugit qalipanneqassapput, taaguuteqar-tinneqartoq Qalipaasersuinissamut pil-ersaarut Illoqarfiup ilaanut pilersaarut 3A8-1, Iiminaq.		
6.6	Immikkoortumi suliffeqarfiit allagarta-lersorneqarnerat pissaaq illup silataati-gut iigaanut annerpaamillu $\frac{1}{2} \text{ m}^2$ -itut angitigissallutik.		
<b>§7</b>	<b>Nunaminertat sanaartorfigineqan-gitsut</b>	<b>§9</b>	<b>Illoqarfiup ilaanut pilersaarutip atorunnaarsinneqarnera</b>
7.1	Illumik piginnittup pisussaaffigaa nu-naminertap illup eqqaaniittup torersuu-tinnissaa.	9.1	Illoqarfiup ilaanut pilersaarutip mas-suma tamanut saqqummiunneqarnera-ni, Illoqarfiup ilaanut pilersaarut 3A8-1, Iiminaq atorunnaarsinneqarpoq.
7.2	Sanaartornermut aamma illup atorne-qarneranut atatillugu nunap innarler-neqarnera annikinnerpaatinniarneqas-saaq kingornatigullu iluarsaanneqas-salluni.		
7.3	Nunaminertani sanaartorfiusussaan-gitsuni pinnguartarfefeqassaaq, ilan-ngussaaq 1-imti takutinneqartutut.		
7.4	Nunaminertat sanaartorfigineqanngit-sut annikitsumik atorneqarsinnaapput, annerpaamilli $50 \text{ m}^2$ , naatsiiviit qisun-nik akorngi ammasunik pukkitsunik ungaluneqassapput. Ungaluata portus-susiata 1,2 meteri sinnersimassan-gilaa.		

## **Akuersinermi atsiorneq**

### **Inaarutaasumik akuersissutigineqarnera.**

Illoqarfiup ilaanut pilersaarut 3A8-2, Iiminaq, matumuuna ulloq 29. august 2005-imi inaarutaasumik akuersissutigineqarpoq.

Nuup Kommunea, ulloq

---

Agnethe Davidsen /  
Borgmesteri

---

Kim Hvistendahl  
Allaffissornermi pisortaaneq

Siunnersuutitut tamanut saqqaumminiunneqarpoq ulloq 14. septemberi 2005.

## Atsiornerup nassuaataa

Iloqarfiup ilaanut pilersaarusiortiup killinga



Sumiiffiup ilaata killinga





Sanaartorfissat




Sanaartorfissat atorneqanngisut



Immikkoortoq aqqusinermut immikkoortitaq





Illoqarfiup ilaanut 3A8-2 liminaq  
Takussutissamut pilersaarut  
Ilanngussaq 2



FORVALTNING FOR TEKNIK OG MILJØ  
BYPLAN

Ulløq / Dato  
Tegningsnr.  
J. nr.  
Skala  
Sull. / Sagsbeh.  
Marts 2005  
T.002  
16.04.3A8-2  
1:2.000  
DL